

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- प्रधानमंत्री नरेन्द्र मोदी होरें रक्षा मंत्री ते होरनें वरिष्ठ अधिकारिएं कन्नै कल उच्ची सतह दी सुरक्षा बैठक दी प्रधानता कीती।
- जम्मू-कश्मीर च कब्ज़ा रेखा दे पारा थमां पाकिस्तान आसेआ कीती जाने आहली बिजन भड़कावे दी गोलीबारी दा भारती फौज आसेआ पूरी तगड़ेयाई कन्नै बनकदा परता दित्ता जा'रदा ऐ।
- जम्मू-कश्मीर च र'वै करदी 60 पाकिस्तानी महिलाएं ते बच्चें गी गृह मंत्रालय दे निर्देशें मूजब पाकिस्तान भेजी दित्ता गेआ ऐ।
- समाज कल्याण मंत्री सकीना इत्तू होरें जम्मू-कश्मीर च समाज कल्याण आहली बक्ख-बक्ख योजनाएं दे प्रभाऽ दा आंकलन कीता। मंत्री होरें इ'नें योजनाएं दी असरदार अमल-आवरी च समुदायें दी बद्धोबद्ध शमूलियत जकीनी बनाने लेई आखेआ ऐ।
- वरिष्ठ न्यायिक अधिकारिएं संजय परिहार ते शहज़ाद अज़ीम होरें'गी जम्मू-कश्मीर हाईकोर्ट दे जजें दे तौर पर नियुक्त कीता गेआ ऐ।

PM-Meeting

प्रधानमंत्री नरेंद्र मोदी होरें कल अपनी सरकारी कोठी च रक्षा मंत्री राजनाथ सिंह ते राश्ट्रीय सुरक्षा सलाहकार अजीत डोभाल हुंदे कन्नै इक्क उच्च स्तरीय बैठका दी अध्यक्षता कीती। सीडीएस अनिल चौहान ते त्रौनें सेनाएं दे प्रमुख बी इस मीटिंग च शामिल होए। एह मीटिंग पहलगाम आतंकी हमले दे मद्देनजर आयोजित कीती गई ही जेदे च 25 पर्यटके सने 1 मकामी बसनीक दी मौत होई गई ही।

<><><><><><>

LoC

भारतीय सेना नै जंदी रातीं जम्मू-कश्मीर च नियंत्रण रेखा उप्पर पाकिस्तानी सेना दी गोलीबारी दा बनकदा परता दित्ता। रक्षा सूत्रें दस्सेआ ऐ जे पाकिस्तानी सेना नै रियंत्रण रेखा दे पार नौशेरा, सुंदरबनी ते अखनूर सैक्टर दे क्षेत्रें च बिजन उकसावे दे गोलीबारी कीती। भारती सेना नै तुरत कार्रवाई करदे होई एहदा बनकदा परता दित्ता। पाकिस्तानी सेना नै बारामूला ते कुपवाड़ा जिले सने परगवाल सैक्टर दे अंतरराश्ट्रीय बन्ने उप्पर बी गोलीबारी कीती जेदा भारतीय जवानें मूंहतोड़ जवाब दित्ता।

<><><><><><>

Rajouri-Bunkers

नियंत्रण रेखा उप्पर बधा रदे तनाऽ दे चलदे राजौरी जिले दे केरी सेक्तर शाहपुर च ग्राएं च रवा'रदे लोकें अपनी सुरक्षा लेई बंकर बनाए न। केंद्र सरकार दी पहल तैहत बनाए गेदे एह बंकर बन्नै पारा थमां होने आहली गोलीबारी दौरान महत्वपूर्ण सुरक्षा मुहैया करांदे न। उआं भारत ते पाकिस्तान बश्कार 2021 दे समझौते मगरा संघर्ष विराम दी लोआंघना च कमी आई ऐ पर हाल च गै पहलगाम च होए दे आतंकी हमले मगरा बन्ने उप्पर तैयारियें उप्पर परतिये ध्यान केंद्रित कीता जा रदा ऐ। 2017 बरे च केंद्र नै नियंत्रण रेखा ते अंतरराश्ट्रीय बन्ने उप्पर मुकामी बसनीकें दी सुरक्षा लेई बुनियादी ढांचे गी होर निगगर करदे हेई 5 जिलें, जम्मू, कठुआ, साम्बा, पुंछ ते राजौरी च 14 ज्हार शा मते बंकरें गी मंजूरी दित्ती ही। आकाशवाणी समाचार कन्नै गल्ल करदे होई किश मकामी बसनीकें गलाया।

<><><><><><>

J&K Women

जम्मू-कश्मीर च कल तकरीबन 60 पाकिस्तानी महिलाएं ते उन्दे बच्चें गी बाघा बार्डर दे राहें पाकिस्तान भेजी दित्ता गेआ। इन्दे शा केइयें महिलाएं दा ब्याह साबका कश्मीरी आतंकियें कन्नै होए दा ही। श्रीनगर, बारामूला, कुपवाड़ा, बडगाम ते शोपियां जिले थमां आए दे इनें परिवारें गी बस्सें राहें पंजाब लेता गेआ तां जे उनेंगी पाकिस्तानी अधिकारियें दे सुपुर्द कीता जाई सकै। केई महिलां 2010 दी पुनर्वास नीति तैहत कश्मीर च दाखल होइयां हियां। एहदे अलावा करीब 45 बरे पैहले पुंछ च वैध वीजा कन्नै भारत च आए दे 11 पाकिस्तानी नागरिकें गी बी वापस भेजी दित्ता गेआ ेए। एहदे बारै होर मती जानकारी कन्नै पेश ऐे स्टांडे संवाददाता दी एह रिपोर्ट।

<><><><><><>

Dy CM Budget Proposals

उपमुख्यमंत्री सुरिंदर चौधरी होरें केपैक्स बजट 2025-26 दे प्रस्तावें दी समीक्षा करदे होई भलेआं हेठली सतह उप्पर मजूद ढांचागत सुविधाएं गी तगड़ा बनाने ते विकास परियोजनाएं गी बेल्ले सिर सबूरा करोआना जकीनी बनाने दी जरूरतै पर जोर पाया ऐे। उ'नें नतीजें पर आधारित योजनाएं आह्ला रौऽ अखितयार करने दी गल्ल आखदे होई सरबंधत मैहकमें गी निर्देश दित्ता ऐे जे ओहू जारी कम्में गी पैहल दी बिनाहू उप्पर सबूरा करोआना जकीनी बनाना। उपमुख्यमंत्री होरें मैहकमाई ते जिला स्तरें पर आपसी तालमेल कन्नै योजनां बनाने दी जरूरतै पर जोर पाया ते बेवजह कम्में च चिर लाने आहले ठेकेदारें खलाफ सख्त कार्रवाई दे निर्देश जारी कीते। एहदे अलावा उ'नें विकास कम्में गी होर मता असरदार ते लोकें दिएं जरूरतें मूजब बनाने लेई, चुने गेदे नुमाइंदें थमां प्रतिक्रियां हासल करने दी बी गुजारिश कीती ऐे।

<><><><><><>

Itoo Welfare Schemes

समाज कल्याण मंत्री सकीन इत्तू होरें जम्मू-कश्मीर च समाज कल्याण आहली बक्ख-बक्ख योजनाएं दे प्रभाऽ दा आंकलन कीता। जायजे दरान मंत्री होरें भलेआं हेठली सतह उप्पर इ'नें योजनाएं दी असरदार ढंगै सिर अमल-आवरी जकीनी बनाने च समुदायें दी बद्धोबद्ध भागीदारी दी जरूरतै पर जोर पाया। इत्तू होरें सरबंघत अधिकारिणं गी आखेआ ऐ जे ओहू सर्वजनिक सेवाएं दी दस्तयाबी च आम लोकें गी सब्भनें शा अगगे रक्खने आहला रौऽ अपनान ते इ'नें कम्में च पारदर्शिता ते जोआबदेही जकीनी बनान। उ'नें अधिकारिणं गी निर्देश दित्ता जे ओहू बक्ख-बक्ख मैहकमें बश्कार तालमेल गी होर तगड़ा बनांदे होई आम लोकें तोहड़ी पुज्ज बनाने लेई जागरूकता अभियानें दा आयोजन करोआन। मंत्री होरें सब्भनें दे सामे विकास लेई सरकार दी वचनबद्धता गी दोहरांदे होई सब्भनें सरबंघत धड़ें गी गुजारिश कीती जे ओहू लोकें दे कल्याण लेई किट्टे रलियै कम्म करना।

<><><><><><>

HC-Judges

राश्ट्रपति होरें जंदे मंगलवारें वरिष्ठ न्यायिक अधिकारी संजय परिहार ते शहजाद अजीम होरें गी जम्मू-कश्मीर ते लद्दाख उच्च न्यायालय दा न्याधीश नियुक्त कीता ऐ। संविधान दी धारा 217 (1) तैहत कीती गेदी एहू नियुक्तियां उन्दे कार्यभार साम्भने दी तरीक कन्नै गे लागू होई जाडन। मुख न्याधीश संजीव खन्ना हुंदी अध्यक्षता आहले Supreme Court Collegium नै 16 अप्रैल गी सिफारशें गी मंजूरी दित्ती ही। इनें नियुक्तियें दे कन्नै हाई कोर्ट च जजें दी गिनतरी बधियै 15 होई गेई ऐ। दवैं अधिकारियें रजिस्ट्रार जनरल ते Principal District ते Session Judge सनें प्रमुख न्यायिक औहदें पर कम्म कीते देन।

<><><><><><>

DC-Poonch

पुंछ दे डिप्टी कमिशनर विकास कुरंडल होरें कल इक मीटिंग लोआइयै जिले च सीमा सड़क संगठन बीआरओ आसेआ कीते जा रदे बक्ख-बक्ख विकासशील परियोजनाएं दे कम्में दा जायजा लैता। एहदे बारै होर मती जानकारी कन्नै स्टाडे जिला संवाददाता।

<><><><><><>

Bill Suvidha

डिजिटल स्थूलत बक्खी इक महत्वपूर्ण गैहू बधांदे होई जम्मू च बिजली दी बंडु सरबंधी कारपोरेशन - जेपीडीसीएल नै बिजली दे बिलें दे प्रबंधन गी चुस्त-दुरुस्त बनाने लेई बिल सुविधा ऐप्प शुरु कीती ऐ। इस बारै च पेश ऐ साढी एहू खास रिपोर्ट

<><><><><><>

Gyanpath-Design

स्वतंत्रता दिवस समारोह 2025 दे हिस्से दे तौरा पर रक्षा मंत्रालय आसेआ MyGov. दे सहयोग कन्नै पैहली थमां 15 मई तगर ज्ञानपथ दे डिजाइन लेई प्रतियोगिता दा आयोजन कीता जा'रदा ऐ। एहदा मकसद युवाएं ते जनता च देशभक्ति दी भावना गी बल देना ऐ। प्रतिभागियें गी लाल किले च एनसीसी कैडेटें, NSS दे स्वयंसेवकें ते स्कूलें दे बच्चें आसेआ बनाए जाने आहले फार्मेशनें गी डिजाइन करना होगा। पैहले त्रौनें जेतुएं गी 10 ज्हार रपे जिसले के पहले 250 प्रतिभागियें गी ई निमंत्रण पत्र थहोग जे ओहू अपने इक साथी कन्नै इस समारोह दे साक्षी बनी सकन। डिजाइनें गी MyGov. दे दिशा-निर्देशें दी पालमा करनी होग।

<><><><><><>